



**IZVJEŠTAJ O OSTVARENJU GODIŠNJEG PLANA IMPLEMENTACIJE STRATEGIJE INTEGRIRANOG
RAZVOJA OPĆINE DOBOJ JUG ZA 2019.GODINU**

IZVRŠNI SAŽETAK

Izvještaj o implementaciji Strategije integrisanog razvoja Općine Doboj Jug (2011-2020.) ima za cilj da pokrene sve bitne aktere na razmišljanje i doprinese boljem donošenju odluka o realizaciji strateških prioriteta ekonomskog, društvenog razvoja i zaštite životne sredine, u okviru 11 definisanih sektorskih ciljeva.

Planom implementacije za 2019. godinu predviđeno je provođenje 22 projekta, od čega je 19 projekata preneseno iz ranijeg perioda implementacije, a 3 projekta su naknadno uključena u Plan (Izrada Regulacionog plana Matuzići 1, Izrada Regulacionog plana Matuzići 2 i Izrada Regulacionog plana Mravići). Za realizaciju 22 strateška projekata je inicijalnim Planom implementacije za 2019. godinu bilo planirano 2.556.430,00 KM, i to od toga je 21,15 % planirano iz budžeta, a 78,85 % iz vanjskih izvora. Iako nisu osigurana sredstva za realizaciju svih strateških prioriteta, u 2019. godini je 7 projekata djelimično implementirano: Asfaltiranje lokalnih puteva i ulica, Prilagođavanje rasvjetu u LED, Rekonstrukcija kuće na Karušama, Izgradnja primarne kanalizacione mreže, Izgradnja sekundarne kanalizacione mreže, Izgradnja odbrambenog nasipa na rijeci Usori, Izgradnja zgrade biblioteke i skladišta CZ-e, i 8 projekata je implementirano u cjelosti: Nivelacija parcele u PZ Matuzići (završetak iz prethodne godine), Unapređenje poslovne zone Mravići (vodovod i promocija), Poslovne prilike za mlade (podrška za poslovne subjekte osnovane u 2019. godini), Podrška razvoju primarne poljoprivredne proizvodnje, projekti Omladinske banke, Izgradnja zasuna i šahtova, Organizacija kulturno-sportskih manifestacija i Zbrinjavanje divljih deponija (završetak iz prethodne godine).

Stoga, može se zaključiti da je procenat realizacije projekata u izvještajnoj godini *zadovoljavajući (68,18% u potpunosti ili djelomično implementiranih projekata u odnosu na planirane)*.

U pogledu ključnih prioriteta i fokusa za 2019. godinu, realizirani su projekti poput izgradnje primarne i sekundarne mreže, izgradnja nasipa na rijeci Usori, projekti Omladinske banke, priprema JPP projekta (LED rasvjeta), Podrška za razvoj primarne poljoprivredne površine...

Najznačajnija sredstva u 2019. godini osigurana su za izgradnju primarne i sekundarne kanalizacione mreže iz kredita EIB-a, Fonda za zaštitu okoliša, Ministarstva za poljoprivredu, šumarstvo i vodoprivredu ZDK, Federalnog ministarstva raseljenih lica i izbjeglica, od Federalnog ministarstva razvoja, poduzetništva i obrta, zatim od Mozaika za projekte Omladinske banke, od Agencije za vodno područje rijeke Save za projekat Izgradnje nasipa na rijeci Usori, te sredstva za izgradnju zgrade biblioteke i skladišta CZ-e od Ministarstva za obrazovanje, nauku, kulturu i sport ZDK i KU CZ-e.

Što se tiče sektorskih ciljeva, tokom 2019. godine nije bilo značajne promjene ili nije došlo do potpunog ostvarenja sektorskih ciljeva kao ni promjena stanja makro pokazatelja općinskog razvoja.

Što se tiče institucionalnih kapaciteta za učinkovito upravljanje razvojem, Općina je tokom 2019. godine aktivnosti realizirala putem općinskog razvojnog tima (ORT) kao prelaznog tijela jer se nisu stekli uslovi za osnivanje Odjeljenja za razvoj/JURA (Jedinice za upravljanje razvojem). Pravilnikom o radu definisana su dva referata u svrhu jasnog definisanja funkcija/poslova kao i radnih mjesta koje se odnose na učinkovito upravljanje razvojnim aktivnostima: Stručni savjetnik za planiranje i implementaciju Strategije i projekata sa potrebnom VSS pravnog ili društvenog smjera, te Viši samostalni referent za analizu podataka i implementaciju Strategije sa potrebnom VŠS ekonomskog ili tehničkog smjera, od kojih je prvo popunjeno ali je uposlenik već duže vrijeme na bolovanju i nije preuzeo, niti je vršio dužnosti po referatu, a drugo nije popunjeno. S obzirom na to, oba referata obavlja Savjetnica općinskog načelnika za upravljanje lokalnim razvojem.

Kada je riječ o zaključcima i korektivnim akcijama u pogledu prethodne godine, najveće prepreke ili teškoće su se odnosile na nepostojanje JURA-e/Odjeljenja za razvoj/tima koji je direktno zadužen za godišnje operativno planiranje i praćenje implementacije Strategije, te na pripremu i praćenje implementacije razvojnih projekata što upućuje da će u narednom periodu biti neophodno osnovati odgovarajuću koordinacionu jedinicu za upravljanje razvojnim aktivnostima, te u sistematizaciji poslova definisati direktna zaduženja svih uposlenika u čijem domenu je planiranje, praćenje i izvještavanje o realizaciji implementacije Strategije, te jasno uskladiti godišnje planiranje po Službama, kao i ostale aktivnosti u vezi s koordiniranjem praćenja implementacije Strategije razvoja što proizilazi i iz Zakona o razvojnom planiranju FBiH.

1. UVOD

Strategiju integriranog razvoja općine Doboj Jug za period 2011-2020. godine izradio je Općinski razvojni tim (ORT) u periodu januar – decembar 2010. godine, u okviru Projekta integrisanog lokalnog razvoja (ILDLP), koji predstavlja zajedničku inicijativu Vlade Švicarske i Razvojnog programa Ujedinjenih nacija (UNDP).

Strategija razvoja općine Doboj Jug usvojena je u Matuzićima 2010. godine na 19. redovnoj sjednici Općinskog Vijeća, održanoj dana 29.12.2010. godine, a u toku 2016. godine je revidirana i odnosi se na period 2017-2020. godina.

Kao operativni instrument za realizaciju strategije, Općina priprema trogodišnji plan implementacije (1+2) svake godine od usvajanja Strategije. Detaljan Plan implementacije za 2019.- 2021. godinu je pripremljen tokom decembra 2018. godine i objavljen je na općinskoj web stranici.

Ovaj izvještaj odnosi se na implementaciju strateških, odnosno sektorskih, prioritarnih projekata u 2019. godini, koji se, po MiPRO metodologiji, planiraju uz konsultacije sa svim bitnim akterima u zajednici u svim fazama implementacije Strategije.

Nosilac izrade trogodišnjeg Plana implementacije (1+2) kao i Izvještaja je Općinski razvojni tim. Izvještaj je pripremljen u saradnji sa predstavnicima svih unutrašnjih organizacionih jedinica/službi Općine.

Obzirom da su početkom 2017.godine uspostavljeni odgovarajući alati za praćenje implementacije Strategije (Excel tabela za praćenje projekata kao i tabela definisanih sektorskih i makroekonomskih pokazatelja (SMI tabela), podaci o implementaciji strateških projekata za 2019. godinu su sublimirani iz ove baze, ali i iz operativnih evidencija općinskih službi.

2. STRATEŠKI CILJEVI I PRIORITETI

2.1. Vizija

Revidiranom Strategijom razvoja općine Doboj Jug za period 2017. – 2020. godine, definirana je sljedeća vizija:

„Dinamčna poduzetnička zajednica sa poticajnim poslovnim ambijentom, visokim stepenom obrazovanosti i privlačnim uslovima života za sve građane, a posebno za mlade.“

2.2. Strateški ciljevi

Strateški cilj 1: Pospješen ekonomski rast i zapošljavanje. Prvi strateški cilj se odnosi na prvi strateški fokus i usmjeren je na unapređenje i rast poslovanja privrednih subjekata na području Općine i privlačenje novih investicija u cilju povedanja broja radnih mjesta i prihoda, dok mjere usmjerene na iskorištavanje ograničenih resursa za razvoj poljoprivrede mogu da podrže ostvarenje navedenih rezultata obezbjeđenjem prihoda za određeni broj domadinstava i samozapošljavanjem. Cilj uključuje međuopštinsku i druge vidove saradnje sa okruženjem.

Strateški cilj 2: Infrastrukturno i ambijentalno uređena sredina atraktivna za život i poslovanje. Drugi strateški cilj objedinjuje drugi i treći strateški fokus i usmjeren je na dalje poboljšanje infrastrukture, ali i na mjere za obogaćivanje društvenog života na području Općine uz aktivno učešće nevladinog sektora i saradnju sa subjektima u okruženju. Cilj uključuje međuopštinsku saradnju i druge vidove saradnje sa subjektima u okruženju, što je neophodno zbog ograničenih resursa na području Općine.

Strateški cilj 3: Povećan stepen zaštite općine od prirodnih nepogoda i smanjen stepen zagađenja životne sredine. Treći strateški cilj se odnosi na četvrti fokus, gdje je napore potrebno usmjeriti ne samo na dalje

unapređenje zaštite životne sredine, već i na zaštitu od poplava. Cilj je takođe u vezi sa drugim fokusom, jer komunalna infrastruktura ima veliku ulogu u zaštiti okoline, te uključuje međuopćinsku i saradnju sa relevantnim subjektima iz okruženja koje su neophodne za rješavanje pitanja koja prevazilaze kapacitete lokalne zajednice, kao što je zaštita od poplava.

2.3. Sektorski ciljevi

Strateški prioriteti za razvoj općine su: ekonomski razvoj, društveni razvoj i zaštita životne sredine. U okviru ovih sektora, definisani su sljedeći ciljevi:

Ekonomski razvoj

Sektorski cilj 1.1. Razvijena preduzetnička infrastruktura i podržan razvoj prerađivačkih kapaciteta.

Sektorski cilj 1.2. Povećana konkurentnost i održivost poljoprivrednog sektora.

Društveni razvoj

Sektorski cilj 2.1. Razvijena i ojačana komunalna, društvena i tehnička infrastruktura i unapređena sigurnost građana do 2020. godine.

Sektorski cilj 2.2. Povedana efikasnost lokalne uprave i osnažena međuopćinska saradnja do 2020. godine.

Sektor zaštite i unapređenja okoliša

Strateški cilj 3.1. Unaprijeđena regulacija otpadnih i oborinskih voda

Strateški cilj 3.2. Smanjen nivo zagađenja zraka i tla

2. 4. Ključni planirani prioriteti i fokusi za posmatrani godišnji period (2019. godina)

Ključni prioriteti ekonomskog sektora

U skladu sa definisanim sektorskim ciljevima, ključni prioriteti ekonomskog sektora za 2019. godinu su: uređenje poslovnih zona i razvoj poljoprivrede.

Fokusiranjem na poslovne zone Općina bi unaprijedila infrastrukturu u poslovnim zonama, što doprinosi realizaciji **sektorskom cilju 1.1.** Razvijena preduzetnička infrastruktura i podržan razvoj prerađivačkih kapaciteta i **sektorskom cilju 1.2.** Povećana konkurentnost i održivost poljoprivrednog sektora, konkretno se odnoseći na željene ishode: povećati broj obrtnika za 2% godišnje, najmanje 5 novih investicija u zonama do 2020. godine, broj poljoprivrednih gazdinstava povećan za 15% do 2020. godine, ostvareno 20 novih radnih mjesta u poljoprivredi do 2020. godine.

Ključni prioriteti društvenog sektora

U društvenom sektoru za 2019. godinu ključni prioriteti su: asfaltiranje lokalnih puteva i ulica, izgradnja zgrade biblioteke i skladišta CZ-e, provođenje kulturno-sportskih manifestacija.


Fokusiranjem na putnu infrastrukturu, biblioteku, skladište CZ-e i kulturno-sportske manifestacije, ostvaren je doprinos realizaciji **sektorskog cilja 2.1.** Razvijena i ojačana komunalna, društvena i tehnička infrastruktura i unapređena sigurnost građana do 2020. godine.

Ključni prioriteti sektora okoliša

U sektoru okoliša za 2019. godinu ključni prioriteti su: na unapređenje komunalne infrastrukture i održavanje zelenih površina. Fokusiranjem na ove prioritete, Općina bi doprinijela stvaranju preduslova za veći broj priključaka na kanalizacionu mrežu i zbrinjavanje divljih deponija što doprinosi realizaciji **sektorskog cilja 3.1.** Unaprijeđena regulacija otpadnih i oborinskih voda i **sektorskog cilja 3.2.** Smanjen nivo zagađenja zraka i tla.

2.5. Zbirni pregled prioritetnih projekata i okvira za njihovo finansiranje obuhvaćenih Planom implementacije 2019-2021. godinu

Za planski period 2019-2021. godine ukupno je planirano 25 projekata. Posmatrajući po razvojnim sektorima za period 2019.-2021. godine, u sklopu ekonomskog sektora je ukupno planirano 8 projekata, u društvenom sektoru 8 projekata, te u sektoru okoliša 9 projekata. Za realizaciju ovih projekata planirano je ukupno 5.072542,00 KM, od toga iz vlastitih izvora 984.673,00 KM, iz eksternih 4.068.258,00 KM. U nastavku je grafički prikaz strukture planiranih projekata u odnosu na broj projekata, izvore finansiranja i finansijske parametre po sektorima.




Što se tiče izvora eksternog finansiranja, najznačajniji predviđeni izvori za period 2019-2021. godine su iz donatorskih sredstava. Kako bi iskoristila prilike za privlačenje sredstava iz eksternih izvora, nastojano je u prethodnom periodu da se osiguraju sredstva iz eksternih izvora, što je ostvareno kroz privučena sredstva od Federalnog ministarstva razvoja, Ministarstva za poljoprivredu, vodoprivredu i šumarstvo ZDK, Agencije za vodno područje rijeke Save, Federalnog ministarstva raseljenih osoba i izbjeglica, Kantonalnog ministarstva za obrazovanje, nauku, kulturu i sport. U narednom periodu (2020. – 2022.) Općina namjerava pripremiti do 15 projekata putem kojih će aplicirati na dostupne domaće/strane fondove; nastavak izgradnje kanalizacione mreže, nastavaka uređenja poslovnih zona, izgradnja objekta Opće biblioteke i skladišta CZ-e, uređenje objekta na Karušama i dr.

3. PREGLED IMPLEMENTACIJE STRATEGIJE INTEGRISANOG RAZVOJA

3.1. Sažet osvrt na prethodni period implementacije

Od početka realizacije razvojne Strategije u potpunosti je završeno 38 projekata, što je 33% od ukupno planiranih 115 projekata. Ujedno, u proces implementacije su uključena 6 novih projekata (3 u 2018. i 3 u 2019. godini), a čije uključnje doprinosi realizaciji zacrtanih strateških/sektorskih ciljeva.

U nastavku je grafički prikaz implementacije broja projekata.



3.2. Pregled implementacije Strategije u izvještajnoj 2019. godini


Planom implementacije za 2019. godinu predviđeno je provođenje 22 projekta, od čega je 19 projekata preneseno iz ranijeg perioda implementacije, a 3 projekta su naknadno uključena u Plan (Izrada Regulacionog plana Matuzići 1, Izrada Regulacionog plana Matuzići 2 i Izrada Regulacionog plana Mravići). Za realizaciju 22 strateška projekata je inicijalnim Planom implementacije za 2019. godinu bilo planirano 2.556.430,00 KM, i to od toga je 21,15 % planirano iz budžeta, a 78,85 % iz vanjskih izvora. Iako nisu osigurana sredstava za realizaciju svih strateških prioriteta, u 2019. godini je 7 projekata djelimično implementirano: Asfaltiranje lokalnih puteva i ulica, Prilagođavanje rasvjete u LED, Rekonstrukcija kuće na Karušama, Izgradnja primarne kanalizacione mreže, Izgradnja sekundarne kanalizacione mreže, Izgradnja odbrambenog nasipa na rijeci Usori, Izgradnja zgrade biblioteke i skladišta CZ-e i 8 projekata je implementirano u cjelosti: Nivelacija parcele u PZ Matuzići (završetak iz prethodne godine), Unapređenje poslovne zone Mravići (vodovod i promocija), Poslovne prilike za mlade (podrška za poslovne subjekte osnovane u 2019. godini, Podrška razvoju primarne poljoprivredne proizvodnje, projekti Omladinske banke, Izgradnja zasuna i šahtova, Organizacija kulturno-sportskih manifestacija i Zbrinjavanje divljih deponija.

U nastavku je grafički prikaz realizacije projekata.



Kada je riječ o finansijskoj realizaciji, ukupna realizacija spomenutih 22 projekata je 68,18 % djelimično i u cjelosti realiziranih projekata – 31,82% djelimično i 31,82% u cjelosti realiziranih projekata. Pri tome, u ukupnom broju realiziranih projekata iz općinskog budžeta je realizirano 11,53%, dok je 88,47% osigurano iz eksternih izvora finansiranja.

U nastavku je grafički prikaz finansijske realizacije po sektorima za 2019. godinu.



U tabelama u nastavku je dat detaljan prikaz ukupno realizovanih projekata u odnosu na planirano, ukupno i po sektorima:

Tabela 1. Pregled planiranih naspram ostvarenih projekata u 2019. godini (svi sektori)

UKUPNO SVI SEKTORI				
PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	22	2.556.430,00	540.673,00	2.015.757,00
% struktura finansiranja od A			21,15%	78,85%
U REALIZACIJI				
B. Ukupan broj u cijelosti ili djelimično realiziranih projekata	15	1.356.425,49	156.414,61	1.200.010,88
% u cijelosti ili djelimično realiziranih projekata (od A)	68,18%	53,06%		
% struktura (od B)			11,53%	88,47%
C. Ukupan broj djelimično realiziranih projekata	7	1.084.410,23	74.168,50	1.010.241,73
% djelimično realiziranih projekata (od A)	31,82%	42,42%		
% struktura (od C)			6,84%	93,16%
D. Ukupan broj u cijelosti završenih projekata	8	272.015,26	82.246,11	189.769,15
% djelimično realiziranih projekata (od A)	36,36%	10,64%		
% struktura (od D)			30,24%	69,76%

Tabela 2. Finansijska projekcija planiranih i ostvarenih projekata raspoređenih po sektorima na osnovu Plana implementacije.

2019. godina	Oblast	Zbir finansijskih vrednosti projekata		Struktura finansiranja realizovanih projekata	
		Planirano	Realizovano	Budžet (%)	Ostalo (%)
	Ekonomski razvoj	370.643,00	238.728,00	28,47%	71,53%
	Društveni razvoj	680.445,00	270.068,02	11,44%	88,56%
	Ekološki razvoj	1.505.342,00	847.629,47	6,79%	93,21%
	Ukupno	2.556.430,00	1.356.425,49	11,53%	88,47%
	% po planu implementacije		53,06%		

Sektor ekonomskog razvoja

U sektoru ekonomskog razvoja za 2019. godinu planirano je 7 projekata, za čiju realizaciju je bilo predviđeno 370.643,00 KM. Od toga, tokom 2019. godine 4 projekta su u potpunosti implementirana: podrška za razvoj primarne poljoprivredne proizvodnje, nivelacija parcele u PZ Matuzići, uređenje PZ Mravići i podrška za novoosnovane poslovne subjekte u 2019. god /Prilika za mlade.

Za ova četiri projekta obezbijeđeno je 238.728,00 KM, i to iz budžeta 28,47 %, a iz eksternih izvora 71,53 %.

Tabela 3. Pregled planiranih i ostvarenih projekata u ekonomskom sektoru 2019 . godini.

Ekonomski sektor (ES)				
PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	7	370.643,00	147.073,00	223.570,00
% struktura finansiranja od A			39,68%	60,32%
U REALIZACIJI				
B. Ukupan broj u cijelosti ili djelimično realiziranih projekata	4	238.728,00	67.958,00	170.770,00
% u cijelosti ili djelimično realiziranih projekata (od A)	57,14%	64,41%		
% struktura (od B)			28,47%	71,53%
C. Ukupan broj djelimično realiziranih projekata	0	-	-	-
% djelimično realiziranih projekata (od A)	0,00%	0,00%		
% struktura (od C)			#DIV/0!	#DIV/0!
D. Ukupan broj u cijelosti završenih projekata	4	238.728,00	67.958,00	170.770,00
% djelimično realiziranih projekata (od A)	57,14%	64,41%		
% struktura (od D)			28,47%	71,53%

Društveni sektor

U društvenom sektoru za 2019. godinu planirano je 7 projekata, od kojih su 4 djelimično realizirani: asfaltiranje lokalnih puteva i ulica, rasvjeta (JPP- LED), rekonstrukcija kuće na Karušama, Izgradnja zgrade biblioteke i skladišta CZ-e, i 2 u cjelosti: projekti Omladinske banke i održavanje kulturno-sportskih manifestacija.

Za realizaciju ovih projekata u ekonomskom sektoru u 2019.godini je obezbijeđeno 270.068,02 KM, iz budžeta 11,44% i iz eksternih izvora 88,56%.

Tabela 4. Pregled planiranih i ostvarenih projekata u društvenom sektoru 2019 . godini.

Društveni sektori (DS)				
PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	7	680.445,00	72.800,00	607.645,00
% struktura finansiranja od A			10,70%	89,30%
U REALIZACIJI				
B. Ukupan broj u cijelosti ili djelimično realiziranih projekata	6	270.068,02	30.898,62	239.169,40
% u cijelosti ili djelimično realiziranih projekata (od A)	85,71%	39,69%		
% struktura (od B)			11,44%	88,56%

C. Ukupan broj djelimično realiziranih projekata	4	256.421,90	17.252,50	239.169,40
% djelimično realiziranih projekata (od A)	57,14%	37,68%		
% struktura (od C)			6,73%	93,27%
D. Ukupan broj u cijelosti završenih projekata	2	13.646,12	13.646,12	-
% djelimično realiziranih projekata (od A)	28,57%	2,01%		
% struktura (od D)			100,00%	0,00%

Sektor zaštite okoliša/životne sredine

U sektoru okoliša/ zaštite životne sredine za 2019. godinu planirano je 8 projekata, od čega su 3 projekta djelimično realizirani: izgradnja primarne, sekundarne kanalizacione mreže, izgradnja nasipa na rijeci Usori, a 2 je završena: izgradnja zasuna i šahtova, kontrola odlaganja otpada i održavanje zelenih površina.

Za ove projekte obezbijeđeno je 847.629,47 KM, iz budžeta 6,79 % i iz eksternih izvora: 93,21%.

Sektor okoliša (SO)				
PREGLED (cijeli i djelimično realizirani projekti)	Broj projekata	Ukupno	Iz budžeta	Iz eksternih izvora
PLANIRANO				
A. Ukupan broj planiranih projekata	8	1.505.342,00	320.800,00	1.184.542,00
% struktura finansiranja od A			21,31%	78,69%
U REALIZACIJI				
B. Ukupan broj u cijelosti ili djelimično realiziranih projekata	5	847.629,47	57.557,99	790.071,48
% u cijelosti ili djelimično realiziranih projekata (od A)	62,50%	56,31%		
% struktura (od B)			6,79%	93,21%
C. Ukupan broj djelimično realiziranih projekata	3	827.988,33	56.916,00	771.072,33
% djelimično realiziranih projekata (od A)	37,50%	55,00%		
% struktura (od C)			6,87%	93,13%
D. Ukupan broj u cijelosti završenih projekata	2	19.641,14	641,99	18.999,15
% djelimično realiziranih projekata (od A)	25,00%	1,30%		
% struktura (od D)			3,27%	96,73%

3.3 Ključni rezultati i ostvareni progres

Na osnovu svih prikupljenih i obrađenih podataka o implementaciji projekata u izvještajnom periodu može se zaključiti da su godišnji rezultati vidljivi kroz implementaciju projekata koji se odnose na izgradnju primarne i sekundarne kanalizacione mreže, uređenje i promociju poslovnih zona, uređenje kuće na Karušama, izgradnju nasipa na rijeci Usori, prikupljanje sredstva za izgradnju biblioteke i skladišta CZ-e, projekti Omladinske banke i dr.

Kada je riječ o godišnjem uticaju realiziranih razvojnih projekata na ostvarenja sektorskih ciljeva, s obzirom da većina sredstva usmjerena na uređenje poslovnih zona, zaštitu od poplava i izgradnju kanalizacione mreže, poželjno je da se i u narednom periodu nastavi sa sličnim projektima prije svega misleći na zaštitu od poplava i izgradnju kanalizacione mreže, kao i uređaja za prečišćavanje otpadnih voda, a potom i na privlačenje novih investicija.

U nastavku je dat pregled kumulativnih ostvarenja sektorskih ciljeva od početka realizacije strategije zaključno sa 2019. godinom. Analizom ukupnih ostvarenja sektorskih ciljeva i njihovih očekivanih ishoda može se zaključiti da je zaključno sa 2019. godinom kod pojedinih sektorskih ciljeva došlo do „vidljivih“ rezultata.

Ekonomski razvoj

Sektorski cilj 1.1 „Razvijena poduzetnička infrastruktura i podržan razvoj prerađivačkih kapaciteta“

- *Očekivani sektorski ishod:* Broj obrtnika povećan do 2% godišnje
Ostvarenje: Broj obrtnika u 2017.godini 149 je iznosio, u 2018. i 2019. godini nije došlo do promjene.
- *Očekivani sektorski ishod:* Najmanje 5 novih investicija u poslovnim zonama, od toga najmanje jedna u proizvodni kapacitet do 2020.godine.
Ostvarenje: Ostvarenje: U 2017. godini bilo novih investicija, dok su u 2018. bile 3 nove investicije Robot d.o.o., Kamelija d.o.o. i SiHolz d.o.o., a u 2019. godini 6: Asmont, AVA d.o.o., Nafaka d.o.o., LuxTrade d.o.o., ChipfileService d.o.o. i JustGoTravel d.o.o. i tako da ovaj ishod može se smatrati djelimično ostvarenim.
- *Očekivani sektorski ishod:* Broj privrednih subjekata povećan za 10% do 2020.godine.
Ostvarenje: Broj privrednih subjekata je u 2018. smanjen za 2 u odnosu na prethodnu godinu, tačnije sa 315 na 311, tako da ovaj ishod nema tendenciju ostvarenja. Ista tendencija je nastavljena i u 2019. godini i taj broj iznosi 266.

Sektorski cilj 1.2 „Povećana konkurentnost i održivost poljoprivrednog sektora“

- *Očekivani sektorski ishod:* Broj poljoprivrednih gazdinstava povećan za 15% do 2020.godine.
Ostvarenje: Povećanje 2019. u odnosu na 2017.godinu je cca. 5%.
- *Očekivani sektorski ishod:* Otvoreno 20 novih radnih mjesta u poljoprivredi do kraja 2020.godine.
Ostvarenje: Do kraja 2018. godine ostvareno je 7 radnih mjesta, a u 2019. godini 2, što je ukupno 9.
- *Očekivani sektorski ishod:* Prerađivači sa područja općine Doboj Jug i iz susjednih općina otkupljuju najmanje 60% poljoprivrednih proizvoda na području općine do kraja 2020.godine.
Ostvarenje: Trenutno se otkupljuje cca. 20% poljoprivrednih proizvoda (mlijeko i mliječni proizvodi, povrće i voće), tako da možemo reći da ishod ima tendenciju ostvarenja.

Društveni razvoj

Sektorski cilj 2.1. „Razvijena i ojačana komunalna, društvena i tehnička infrastruktura i unapređena sigurnost građana do 2020. godine.“

- *Očekivani sektorski ishod:* Najmanje 85% domaćinstava ima direktan pristup asfaltiranim saobraćajnicama do 2020.godine.

Ostvarenje: S obzirom na činjenicu da samo u manjim zaseocima nedostaju asfalirani putevi, ovaj ishod možemo smatrati ostvarenim. U 2019. godini asfaltirani su (djelimično) sljedeći putevi/ulice: Ulica Lovačka, Ulica Sarajevska, Ulica Bosanska i Ulica Brezik.

- *Očekivani sektorski ishod:* Povećano zadovoljstvo građana uslugom javne rasvjete za 10% do 2020. godine u odnosu na 2016.godinu.

Ostvarenje: Obzirom da se kontinuirano radi na proširenju javne rasvjete, te da je u 2018. godini pokrenuta priprema projekta javno-privatnog partnerstva za unapređenje javne rasvjete, možemo reći da ovaj ishod ima tendenciju ostvarenja. Tokom 2019. godine pripremljena je projektna dokumentacija za raspisivanje javnog poziva za odabir privatnog partnera.

- *Očekivani sektorski ishod:* Povećan broj kulturnih i sportskih događaja za 10% godišnje.

Ostvarenje: Kulturni i sportski događaji u općini Doboj Jug se uglavnom događaju u sklopu Martovskih svečanosti i njihov broj uveliko ovisi o finansijskoj podršci Općine. Obzirom da izdvajanja iz budžeta iz godine u godinu za ove namjene postepenu rastu, možemo reći da ovaj ishod ima tendenciju ostvarenja.

- *Očekivani sektorski ishod:* Povećan stepen sigurnosti u saobraćaju, posebno za učenike osnovne škole do 2020. godine.

Ostvarenje: Ovaj ishod je nepromjenjen u odnosu na prethodne godine.

Sektorski cilj 2.1. „Povećana efikasnost lokalne uprave i osnažena međuopćinska saradnja do 2020. godine.“

- *Očekivani sektorski ishod:* Povećano zadovoljstvo građana za 10% u pogledu kvaliteta usluga organa uprave u odnosu na 2015.godinu.

Ostvarenje: Nije mjereno.

- *Očekivani sektorski ishod:* Povećano zadovoljstvo građana za 10% u pogledu uređenosti sistema raspolaganja nekretninama na području općine u odnosu na 2015. godinu.

Ostvarenje: Obzirom na uspostavljanje sistema zemljišno-knjižne evidencije za K.O. Matuzići možemo reći da ovaj ishod teži ka ostvarenju.

- *Očekivani sektorski ishod:* Najmanje dva projekta međuopćinske saradnje pripremljena i implementirana na području općine Doboj Jug do 2020. godine.

Ostvarenje: U 2019. godini dogovorena je zajednička implementacija projekta koji se odnosi na izgradnju nasipa na rijeci Usori, s ciljem zaštite od poplava, a u koji su uključene pored Općine Doboj Jug i Općine Tešanj i Usora.

Životna sredina

Sektorski cilj 3.1. „Unapređena regulacija otpadnih i oborinskih voda.“

- *Očekivani sektorski ishod:* Smanjena ugroženost za najmanje 60% plavne površine.

Ostvarenje: Ranije spomenutim projektom koji se odnosi na izgradnju nasipa na rijeci Usori teži se ka ostvarenju ovog ishoda.

- *Očekivani sektorski ishod:* Pokrivenost stanovništva, javnih i privrednih subjekata kanalizacionom mrežom povećana za 55% do 2020. godine.

Ostvarenje: Izgradnja kanalizacione mreže je projekat koji se kontinuirano radi. U 2019. godini povučena su dodatna sredstva EIB-a, te su kroz projekat dobivena sredstva od Fonda za zaštitu okoliša FBiH, Federalnog ministarstva za raseljene osobe i izbjeglice i Kantonalnog ministarstva za poljoprivredu, vodoprivredu i šumarstvo za izgradnju kanalizacione mreže, tako da možemo reći da ovaj ishod teži ka ostvarenju.

Sektorski cilj 3.2. „Smanjen nivo zagađenja zraka i tla.“

- *Očekivani sektorski ishod:* Smanjen stepen zagađenja zraka uzrokovan ekološki neadekvatnim izvorima energije za grijanje stambenih i javnih objekata do 2020. godine.
Ostvarenje: *Blago ostvaren utopljavanjem zgrada i korištenjem peleta kod manjeg broja domaćinstava. U 2019. godini pokrenut projekat SECAP i započeta izrada Akcionog plana.*
- Očekivani sektorski ishod: U potpunosti uklonjene/sanirane sve divlje deponije i zapuštene površine do 2020.godine.

Ishod: U toku 2019. godine završen je projekat podržan od Ministarstva za prostorno uređenje, promet i komunikacije i zaštitu okoline locirala 6 divljih deponija, koje su u saradnji sa JKP „Vis“ uklonjena, a otpad zbrinut na ekološki propisan način. Također, u saradnji UG sportskih ribolovaca Kulina, a podržano od istog ministarstva očišćena i uređena je obala rijeke Bosne od naselja Šije (Općina Tešanj) do ušća sa rijekom Usorom.

3.4. Vertikalna i horizontalna usklađenost i nivo integrisanosti

U skladu sa planiranim razvojnim prioritetima koji su vertikalno usklađeni sa strateškim i planskim dokumentima viših nivoa vlasti, Općina je u izvještajnom periodu realizirala projekte koji se odnose na unapređenje poslovnih zona, izgradnju kanalizacione mreže, asfaltiranje puteva, sanaciju divljih deponija... Pri tome iz eksternih izvora je finansirano 1.200.010,88 KM sredstava, gdje su dominirala sredstva obezbjeđena kroz projekte od Federalnog ministarstva razvoja, poduzetništva i obrta, Kantonalnog ministarstva za poljoprivredu, vodoprivredu i šumarstvo, Agencije za vodono područje rijeke Save, Kantonalne uprave civilne zaštite, Mozaika i dr.

3.5 Institucionalni kapaciteti općinske/opštinske/gradske uprave i saradnja sa bitnim akterima

Poslove centralne koordinacione jedinice za upravljanje razvojnim aktivnostima (JURA) u općini Doboj Jug u obliku privremenog tijela provodi ORT – Općinski razvojni tim pri čemu pravilnikom/sistematizacijom nisu jasno definisana zaduženja za upravljanje razvojnim aktivnostima za članove ORT-a. Operativne aktivnosti implementacije strateških aktivnosti provode uglavnom općinske službe. U toku 2019.godine, ažuriran je Kalendar ključnih aktivnosti upravljanja razvojnom aktivnostima što je poboljšalo kvalitet koordinacije općinske administracije tokom operativnog planiranja i implementacije (pripreme planova implementacije i njihovog povezivanja sa pripremom općinskog budžeta te organizacije i provođenja sistematičnog praćenja realizacije strateških prioriteta kao i izvještavanja o ostvarenim godišnjim i kumulativnim rezultatima implementacije strategije).

U pogledu implementacionih kapaciteta ostalih aktera (NVO, poslovnog sektora i drugih aktera koji učestvuju ili indirektno doprinose implementaciji Strategije) stanje se može opisati kao nedovoljno. Od ostalih aktera kao ključni partneri se izdvajaju Javno komunalno preduzeće čiji predstavnik povremeno sudjeluje u radu ORT-a, dok za ostale javne ustanove predstavnici su imenovani u Partnerskoj grupi, ali ne i u ORT-u. U pogledu daljeg jačanja saradnje i kapaciteta vanjskih aktera neophodno je unaprijediti saradnju sa NVO sektorom, javnim ustanovama, te formirati SLER (Savjet za lokalni ekonomski razvoj- predstavnici privrede) kako bi se unaprijedila saradnja sa privrednim sektorom.

3. KLJUČNI MAKROEKONOMSKI POKAZATELJI

U nastavku je dat tabelaran prikaz makropokazatelja za polaznu i izvještajnu 2018. Godinu. Popunjene su kolone za koje se moglo doći do podataka:

OSNOVNI INDIKATORI RAZVOJA	Indikator	Polazno stanje			Izvještajna godina 2019			Prosjeck Kantona		
		2016			2019			2019		
		Ukupno	M	Ž	Ukupno	M	Ž	Ukupno	M	Ž
Stanovništvo	broj	4409	-	-	4137	2065	2072	359350	178470	180880
Zaposlenih stanovnika	broj	1109			1410			82688	-	-
	%									
Nezaposlenih stanovnika	Broj	852			732			58577		
	%				0,55					
Bruto domaći proizvod	iznos	-	-	-	-	-	-	-	-	-
	po glavi	-	-	-	-	-	-	-	-	-
Investicije na teritoriji JLS	Iznos	4	-	-	6	-	-	-	-	-
Broj preduzeća/1000 stanovnika	omjer	-	-	-	-	-	-	17,5	-	-
Prosječna neto plaća u KM	iznos	615			681			763	-	-
Broj učenika osnovnih škola na hiljadu stanovnika	broj	91			85			90	-	-
Socijalni transferi po glavi stanovnika	po glavi	1,46			1,81			-	-	-
Broj ljekara/1000 stanovnika	omjer	1			1					
Iznos realiziranih sredstava za prioritete iz razvojne strategije	iznos	429.765,0 0			1.127.71 9,14			-	-	-
DOPUNSKI INDIKATORI RAZVOJA *										
Udio realiziranih kapitalnih investicija u budžetu JLS	omjer	30%			99,29%			-		
Poljoprivrednih gazdinstava/1000 stanovnika	omjer	25			45			-	-	-
Broj korisnika socijalne pomoći/1000 stanovnika	omjer	16			22			152	-	-
Zdravstveno osiguranih lica u odnosu na ukupno stanovništvo	omjer	-			-			96%	-	-
Broj aktivnih članova u institucijama kulture	broj	100			100			-	-	-
Broj aktivnih članova u sportskim institucijama	broj	0			170			-	-	-
Pokrivenost domaćinstava sa pristupom kontrolisanoj vodi za piće	procenat	99%			99%			-	-	-
Pokrivenost domaćinstava odvozom krutog otpada	procenat	90%			90%			-	-	-
Broj naseljenih mjesta bez asfaltirane putne komunikacije	broj	0			0			-	-	-
Broj domaćinstava bez pristupa električnoj energiji	broj	-			-			-	-	-
Emisija CO2 po glavi stanovnika	tona	-			-			-	-	-

* Dopunski indikatori razvoja su funkciji praćenja ostvarenja strateških ciljeva/fokusa.

** Za one makro indikatore za koje nisu dostupni podaci za izvještajnu godinu uključuju se podaci za zadnju dostupnu godinu, a u tom slučaju se trebaju naglasiti umetanjem oznake „(+)“ u koloni „indikator“, npr. „broj (+)“.

4. ZAKLJUČCI I PREPORUKE

Realizacija Strategije u 2019. godini je zadovoljavajuća, što pokazuje broj od 15 u cjelosti ili djelomično završenih projekata, odnosno 7 u cjelosti i 8 djelimično završenih projekata. U pogledu finansijske realizacije stanje se može ocjeniti zadovoljavajućim, jer ukazuje da je izvršeno 68,18% od planiranog.

Ako posmatramo realizaciju Strategije iz perspektive ostvarenja sektorskih ciljeva, u 2019. godini djelomično su ostvareni sektorski ciljevi Sektorski cilj 1.1 „Razvijena poduzetnička infrastruktura i podržan razvoj prerađivačkih kapaciteta“ (Unapređenje poslovnih zona- Matuzići i Mravići), Sektorski cilj 1.2 „Povećana konkurentnost i održivost poljoprivrednog sektora“ (Podrška za primarnu poljoprivrednu proizvodnju), Sektorski cilj 2.1. „Razvijena i ojačana komunalna, društvena i tehnička infrastruktura i unapređena sigurnost građana do 2020. godine.“ (asfaltiranje puteva, kulturno-sportske manifestacija, prikupljanje sredstava za izgradnju biblioteke i skladišta CZ-e), Sektorski cilj 2.1. „Povećana efikasnost lokalne uprave i osnažena međuopćinska saradnja do 2020. godine.“ (međuopćinskom suradnjom pokrenut je zajednički projekt Općina Doboj Jug, Tešanj i Usora koji se odnosi na izgradnju nasipa na rijeci Usori s ciljem zaštite od poplava), Sektorski cilj 3.1. „Unapređena regulacija otpadnih i oborinskih voda.“ (projekti primarne i sekundarne kanalizacione mreže) i Sektorski cilj 3.2. „Smanjen nivo zagađenja zraka i tla.“ (zbrinjavanje divljih deponija).

Zbog daljeg poboljšanja nivoa implemtacije Strategije, u narednom ciklusu planiranja, trebalo ići u smjeru osnivanja Odjeljenja za razvoj/ Jedinice za upravljanje razvojem (JURA), kako bi se u Općini uspostavila centralna koordinaciona jedinica za **planiranje i koordinaciju aktivnosti implementacije razvojne Strategije**, te po mogućnosti izdvajanje većeg iznosa sredstava iz budžeta za sufinansiranje razvojnih projekata obzirom da je u zadnje vrijeme praksa donatora da za sufinansiranje razvojnih projekata očekuju minimalno 50% od ukupne vrijednosti projekta. Ujedno, u sklopu svih općinskih službi bi trebalo formalno sistematizirati funkcije planiranja i implementacije razvojne strategije. Na taj način ne samo da bi se ojačale funkcije planiranja i praćenja, te izvještavanja o napretku realizacije Strategije, adekvatnije praćenje javnih poziva i kvalitetnije pripremanje projektnih prijedloga, nego bi se i konkretizirala stvarna zaduženja svih službi kao i zaposlenih u općinskoj administraciji kada je riječ o praćenju napretka strateških projekata.

U 2019. godini nisu značajno unaprijeđeni institucionalni kapaciteti za učinkovitije upravljanje razvojem. Od dva referata predviđena Pravilnikom o unutrašnjoj organizaciji Općinskog organa uprave koja se odnose na Strategiju i razvoj, samo je jedan državni službenik raspoređen na poslove upravljanja razvojem / Strategijom, ali je on već duže vrijeme na bolovanju i nije preuzeo ove poslove. Trenutno samo jedna osoba u funkciji Savjetnika općinskog načelnika obavlja ove poslove, što predstavlja problem za budući sistemski razvoj Općine. Ovo se prije svega odnosi na stanje centralne Jedinice za upravljanje razvojem (JURA-e / Odjeljenja za razvoj) koja, kako je već rečeno, još nije osnovana, a čiju funkciju privremeno vrši ORT. Generalno, upoređujući sadašnje stanje sa „preporučenim“ stanjem/funkcijama sistemskog upravljanja razvojnim aktivnostima (date od strane UNDP-a) može se zaključiti da preporuke u velikoj mjeri nisu realizirane.

U domenu zapažanja o ostvarenom kvalitetu sistemskog upravljanja razvojem bitno je naglasiti:

- Plan implementacije za period 2019-2021. godinu je pripremljen u skladu sa JURA kalendarom¹ (i korišten je kao jedan od ulaznih dokumenata tokom izrade općinskog budžeta i ostalih programskih dokumenata za 2019.g.);
- godišnji planovi rada službi su pripremljeni u skladu sa JURA kalendarom/rokovima. Izvještaji o realizaciji planova službi nisu ranije pripremani niti razmatrani i korišteni za pripremu korektivnih mjera (te eventualnu izmjenu /dopunu Plana implementacije razvojne strategije). Ovo će se koristiti kao jedan od alata u tekućoj godini.
- u pogledu izgradnje mehanizama saradnje sa privatnim sektorom nije bilo aktivnosti. U domenu jačanja javno-privatnog dijaloga ostvaren je napredak kroz usvajanje projekata javno-privatnog partnerstva od

¹ JURA Kalendar je općinski interni akt koji definiše ključne aktere, aktivnosti i rokove planiranja, praćenja i izvještavanja o implementaciji lokalne razvojne strategije.

strane OV-a i kroz pripremu jednog JPP projekta za koji je trenutno raspisan Javni poziv za odabir privatnog partnera.

U narednom planskom ciklusu posebnu pažnju je potrebno posvetiti:

- *realnijem finansijskom planiranju budžeta i/ili eksternih izvora finansiranja u Planu 1+2;*
- *timskom pristupu za pripremu projektnih prijedloga za apliciranje na dostupne eksterne izvore finansiranja;*
- *dodatnom unapređenju koordinacije procesa pripreme općinskog budžeta i narednog plana implementacije 1+2;*
- *uspostavljanju sistema kontinuiranog praćenja implementacije Strategije, uključujući namjenske baze podataka i pomoćne alate;*
- *unapređenju jačanja saradnje poslovnog sektora i ORT-a tokom ciklusa planiranja kao i zajedničkih Javno-privatnih partnerstava ili projekata medjuopćinske saradnje;*
- *formalnoj sistematizaciji/popunjavanju radnih mjesta centralne koordinacione Jedinice za upravljanje razvojnom aktivnostima (Odjeljenja za razvoj) sa stručnim osobama;*
- *jačanju kapaciteta Odjeljenja za razvoj i službi/odjeljenja za eksternu komunikaciju sa eksternim razvojnim akterima, višim nivoima vlasti i donatorima .*

5. ANEKSI

- Tabelarni pregled stanja realizacije projekata u 2019. godini

I. Tabelarni pregled stanja realizacije strateških projekata u 2019. godini

Veza sa strateškim i sektorskim ciljem i programom	Projekt /mjera	Status projekta (u toku, završen, prolongiran, otkazan, zaustavljen)	Ostvareni rezultat	Realizirani izvori finansiranja		
				Budžet	Eksterni izvori	Ukupno
SC1/ SEC 1.1.	1.1.1.1. Uređenje i promocija poslovne zone Matuzići	Završeno	Izvršena nivelacija parcele u poslovnoj zoni (završetak iz prehodne godine)	0,00	67.500,00	67.500,00
SC1/ SEC 1.1.	1.1.1.2. Uređenje poslovne zone Mravići	Završeno	Izgradnja vodovodne mreže i promocija priv.sub.koji posluju u zoni. Sredstava koja su prikazana kao sufinansiranje iz budžeta su obezbjeđena od Ministarstva za poljoprivredu, vodoprivredu i šumarstvo ZDK.	44.070,00	95.070,00	139.140,00
SC1/ SEC 1.2.	1.2.1.1. Mjera: Podrška razvoju primarne poljoprivredne proizvodnje na malim posjedima	Završeno	Podržana primarna poljoprivredna proizvodnja, iz eksternih izvora podržane registrovane farme goveda i pčelarstvo.	19.888,00	8.200,00	28.088,00
SC1 / SEC 1.1.	1.1.1.4.Poslovne prilika za mlade	Završeno	Podržana 4 novoosnovana privredna subjekata u 2019.g.	4.000,00	0,00	4.000,00
SC1 / SEC 1.1.	1.1.1.5. Izrada Regulacionog plana Matuzići 1	Prolongirano				
SC1 / SEC 1.1.	1.1.1.6. Izrada Regulacionog plana Matuzići 2	Prolongirano				
SC1 / SEC 1.1.	1.1.1.7. Izrada Regulacionog plana Mravići	Prolongirano				
SC2/ SEC 2.1.	2.1.1.1. Asfaltiranje lokalnih puteva i ulica	Dio završen	Asfaltirane dionice (Ulica Lovačka, Sarajevska, Bosanska, Brezik)	0,00	74.169,40	74.169,40
SC2/ SEC 2.1.	2.1.1.2. JPP – Ulična LED rasvjeta	U toku	Pripremljena projektna dokumentacija i raspisan Javni poziv za odabir privatnog partnera	2.252,50	15.000,00	17.252,50
SC2/ SEC 2.1.	2.1.1.3. Izgradnja zgrade biblioteke i skladišta CZ-e	U toku	Obezbjeđen dio sredstava i pripremljen glavni projekat	0,00	120.000,00	120.000,00
SC2 / SEC 2.2.	2.2.1.3. Organizovanje zajedničkih kulturno-sportskih manifestacija	Završen	Organizovane kulturno-sportske manifestacije povodom obilježavanja značajnih datuma	5.000,00	0,00	5.000,00

SC2 / SEC 2.2.	2.2.1.5. Uključivanje mladih u javne poslove i razvoj lokalne zajednice – Omladinska banka	Završen	Provedeni omladinski projekti sufinansirani od strane Oml.banke	8.646,12	13.603,30	22.249,42
SC2 / SEC 2.2.	2.2.1.4. Rekonstrukcija kuće na Karušama	U toku	Privođenje namjeni.	15.000,00	30.000,00	45.000,00
SC2 / SEC 2.2.	Rekonstrukcija sale OV-a	Odložen jer će se raditi u sklopu izgradnje zgrade biblioteke				
SC3/ SEC 3.1.	3.1.1.1. Izgradnja primarnih kanalizacionih kolektora u općini Doboj Jug	U toku	Nastavak izgradnje primarnih kolektora.	56.916,00	334.801,17	391.717,17
SC3/ SEC 3.1.	3.1.1.2. Izgradnja sekundarnih kanalizacionih kolektora u općini Doboj Jug	U toku	Nastavak izgradnje sekundarnih kolektora.	0,00	236.271,16	236.271,16
SC3/ SEC 3.1.	3.1.1.3. Otkup zemljišta za UPOV	U pripremi. Sredstva obezbjeđena prodajom zemljišta firmi Trend-tex doo.				
SC3/ SEC 3.2.	3.2.1.1. Unaprjeđenje energetske efikasnosti u javnim objektima	Prolongiran zbog izrade Akcionog plana kroz SECAP				
SC3/ SEC 3.2.	3.2.1.2. Kontrola odlaganja otpada i održavanje zelenih površina	Završen	Zbrinuto 6 divljih deponija i javnim ustanovama dodijeljene kante za razvrstavanje otpada (završetak iz prethodne godine)	0,00	11.999,15	11.999,15
SC3/SEC 3.2.	3.2.1.3. Izgradnja nasipa na rijeci Usori	Jedna dionica završena.	Prevenција od poplava	0,00	200.000,00	200.000,00
SC3/SEC 3.2.	3.2.1.4. Sanacija klizišta	Nije pokretan.				
SC3/SEC 3.2.	3.2.1.5. Izrada zasuna i šahtova	Završeno	Izrađeni zasuni i šahtovi.	641,99	7.000,00	7641,99
			UKUPNO SVI SEKTORI	156.414,61	1.213.614,18	1.370.028,79

Projekti koji nisu realizirani u 2019. godini (zbog nedostatka novca i / ili drugih razloga) su prolongirani u narednu/e godinu/e, odnosno uvršteni su u Plan implementacije 2020-2022.

